

NALUNAARUTIT - Grønlandsk Lovsamling

Serie C-II

06 DEC. 2019

Isumaqatigiissut
akornanni

Inunnik isumaginninnermut aningaasaateqarfik pillugu Naalakkersuisut, Skatteministeriap aamma Sulinermik **Inuussutissarsiateqartut** Kattuffiata.

§ 1.

Sulisitsisut inunnik isumaginninnermut aningaasaateqarfimmut 1. april 2018 pilersinneqartumut nalunaaquttap akunneranut suliffigineqartumut ataatsimut 64 ørinik akileeqataasassapput.

Sulisitsisut akileeqataassutaat ullut 14-kaarlugit aamma qaammammut-kingumoortumik akilerneqartassapput. Aningaaserivimmut Kalaallit Nu-naanniittumut SIK-p toqqagaanut akiliuteqartassaaq.

§ 2.

Aningaasaateqarfikkut siunertaavoq SIK-p isumaqatigiissutaai naapertorlugit, Namminersorlutik Oqartussani, kommunini naalagaaffimmiluunniit sulisut nammineerlutik imaluunniit ilaquuttat qanigisaasut perulunnartumik napparsimalerneranni aningaasatigut tapersersorneqartar-nissaat. Tapersiissutigineqartassapput isumaqatigiissutaareersutigut, napparsimaneq aamma meeqqap napparsimanageranut atatillugu sulinggiffearneq pillugit aalajangersakkanut tunngatillugu matussuserneqarsinnaangitsut. Tapersiissutit atorneqarsinnaapput sulisup taasumaluunniit ilaquuttatut qanigisaasa napparsimanagerannut atatillugu nerisaqarnermut ineqarnermullu akiliutitut, immikkullu pisoqartillugu

timmisartornissamut billetinut aamma ilaquuttat toqusut Danmarkimiit Kalaallit Nunaannut/Kalaallit Nunaata iluani angallanneqarnerannut kiisalu ullormusianut sulinikkullu aningaasarsiassanut annaasanut.

Ilaquuttat qanigisatut paasineqassapput angajoqqaat, apparisat taak-kununngalu naligititaasut, meeqqat qatanngutillu, kisiannili appa-
risat tamatumunngalu naligititaasut ilaquutaat pinnagit.

§ 3.

Aningaasaateqarfimmut tapersiissutissanik/tapiissutissanik qin-nuteqartoqartassaaq uppersaatinillu atsiukkanik/ oqaaseqaati-nik/ ilanngussanillu ilanngussisoqartassalluni, takukkit § 2-mi pisartut taakkartorneqartut.

Siulersuisut qinnuteqaatit tamaasa nukingiussassatut tigusassavaat aalajangiisinnaassuseqarlutillu.

§ 4.

Aningaasaateqarfik siulersuisunit marlunnik ilaasortalimmit aqun-neqassaaq, taakkunangga ilaasortaq ataaseq SIK-mit toqqagaassalluni ilaasortarlu ataaseq Naalakkersuisunit toqqagaassalluni. Siulersuisut siulittaasuat taasinermi naligiittoqartillugu taasineri aalajangiisu-usartussaq SIK-mit toqqarneqartassaaq. Taakku saniatigut SIK aamma Naalakkersuisut tamarmik sinniisussanik toqqaasassapput.

§ 5.

Siulersuisut ukiut tamaasa ukiumoortumik naatsorsuutit aamma ukiumoortumik nalunaarusiaq suliarisassavaat. Ukioq naatsorsuuteqarfiusoq tassaavoq 1. april-imiit - 31. marts-imut. Naatsorsuutit kukkunersiu-kkat akuersissutigisallu taamatullu ukiumut qaammatisiuteqarfiusumut qaangiuttumut ukiumoortumik nalunaarusiaq ukiut tamaasa kingusinner-paamik 1. juni Naalakkersuisunut SIK-mullu nassiunneqartassapput.

§ 6.

Isumaqatigiissutit nutarterneqarneranni aningaasaateqarfimmut aki-
leeqataassuteqartaannarnissaq isumaqatigiissutigineqanngippat, taas-
suma suliarisartakkani taamaaliornissamut aningaasassa qarallartilluni
ingerlateqqissavai. Taamaalippat aningaasaateqarfik atorunnaarsin-
neqassaaq, siulersuisullu pisarnertut naatsorsuutininik nalunaarusa-
millu tunniussa qarlutik.


§ 7.

Isumaqatigiissut 1. april 2014-imiit atuutilerpoq, SIK-mullu isu-
maqatigiissutit naapertorlugu unitsitsinissamik siumut ilimasaaru-
teqartarnerit malissallugit.

Nuummi, ulloq **02 DEC. 2019**

Sulinermik Inuussutissarsiteqartut

Kattuffiat



Jess G. Berthelsen

Naalakkersuisut

n.s.




André Steenholdt-Guttesen

Skatteministeriet

P.M.V.

e.b.



Pernille Thorsteen Madsen

Taamaasilluni isumaqatigiissut 14. november 2014-meersoq atorunnaarpoq.